



## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismvs  
Catholicus, summam Christianæ institutionis IIII. libris  
succinctim complectens**

**Klinge, Konrad**

**Coloniae, 1570**

**VD16 K 1309**

3. Quae sit apostasia à fide.

**urn:nbn:de:hbz:466:1-29452**

personam in ordine vel religione, corpus in officio. Si primùm Iudæi crederent in Christum & baptizarentur, & posteà circunciderent vel non circunciderent, saltem ne præsumerent per hoc se posse bonos effici & saluari, sed solùm per gratiam Iesu Christi, sicut patres eorum fecerunt, Actor. 15. vbi Petrus dicit: Nunc ergò quid tentatis Deum, vt imponatur iugum super cervices discipulorum, quod neq; Patres nostri, neq; nos portare potuimus? sed per gratiā Domini nostri Iesu Christi credimus nos saluos futuros quemadmodū & illi, scilicet Gentes: significans, fidē in Christum, tollere omne discrimen inter Iudeum natum & Gentilem: tunc, inquam, res esset sine periculo. Similiter de discrimine ordinum, cæremoniarum, rituum dicendum est, quandō liberè hęc seruantur, non ea intentione, vt per hęc velint salui fieri, sed ad exercitium fidei & seruitium proximi, castigationem corporis, Deo ad laudem & gloriam, tunc si ne periculo hęc omnia benè seruari possunt. Sunt enim hęc quasi testa externa. Fides autem nucleus est internus, quæ fides sic externis decoratur & ornatur, sed externa hęc non sunt nucleus.

Discessio à fide seu Apostasia, est non solùm publica negatio Christi, sicut Iudæi negat: sed fit, quod quis hoc tribuit suis operibus, quod Christo debetur. Nam de Christo dicitur Ioan. 1. Agnus Dei qui tollit peccata mundi. Et Roma 4. Mortuus est pro nobis. Et Petrus Actorum 15. Per gratiam Domini nostri Iesu Christi credimus nos saluos fieri. Ergo si quis remissionem & salutem suis tribuit operibus, & ea intentione facit, is apostatatur à fide iustificationis Christi, ei gratis aut frustrā venit Christus. Id hęc intentio & falsa fides abiicienda est. Sic etiam Apostolus maximè laborabat cōtra Iudæos baptizatos, in Epistolis ad Romanos & Galatas, vt hęc fiduciam

fiduciam operum ac legis seponerent. Et Petrus inquit: Huic omnes testimonium perhibent, &c. Hæc *A&f. 10.* est enim gloria gratiæ Dei, qua laudari vult Deus, Eph. i. Si autem hæc exteriora fiunt ad exercitium fidei & corporis in seruitium proximi ad laudē & gloriam Dei, nihil nocebunt: sola ergo mala intentio, id est, caput serpentis, amputandum est. Sancti Patres habuerunt & ordinârunt varios ordines, disciplinas, ac scholas ad exercitium in laudem Dei: (quemadmodum D. Hieronymus de opere Monachorum librum scripsit) non ut tales essent potissimum cultus Dei, ac si quis doceret puerum artem lanificiam, (vt olim Monachi operabantur) vt hæc ars esset via ad salutem & probitatem, & iuuenis hanc artem exerceret ea intentione, vt per illam oporteat eum saluari, & quod sine hac arte nō haberet salutem: nonnè hic stultus esset tam magister, quam discipulus? Sed si via ad salutem & probitatem fidei in Christum tribuitur, tunc artificiū sine periculo exercetur. At inquis: Sic similis erit laicus Sacerdoti vel Monacho, Respōdeo, illorum officia plurimū differunt, sicut cœlū & terra: quia ergo Sacerdos agit officium spiritus & salutis, Laicus verò officiū corporis & enutritionis, idèo plurimū dissimiles sunt ratione officiorum, licet non Fidei. Liberè seruare ordinē, sic intelligendum est, ne talis obseruatio ligata sit ad opinionem iustitiae & salutis, non ut contemnatur ex libertate carnis. Sic de alijs statutis, ritibus, &c. Ecclesiæ iudicandum est.

## CAPUT XXX.

## ARGUMENTA.

1. *Quomodo mors & supplicium Christi sit in redempcionem fidelium, sanctorum autem martyrum in testimonium fidei in Christum, & exhortationem constantie.*

H 3

2. Quod